

述胡侍郎事 ○京師傳言前津榆鐵路總辦胡侍郎病案有 簡授山東巡撫之說又謂胡侍郎此次被參查覆之摺當于月內進呈其所虧之項均有貨料可抵云

竄籍洋商 ○厦友人來信云厦關釐稅異常短絀其故皆緣厦人取巧以資竄入外國籍貫大書英商日商字樣即可包攬偷漏竄籍聚賭指不勝屈藉以漁利中國官場雖知之而無如何也今年開正迄今其由華人而改籍日商者較去年已多二十餘家斯實人心世道之深憂也

雷船拖渡 ○粵東大吏前向英國購辦雷船二艘原係以備西江緝捕所需今悉大吏將此二艘撥為拖帶渡船想因近來西江一帶時有盜劫之事若用小輪拖渡不足以賊盜風故特改派雷船以充此役也

工團頌德 ○粵東大吏以工藝繁榮迭滋事端客歲創立工團札委羅介卿守戎督辦而西關草場二汛弁會辦以貨約束而收實效但此事之成端賴南邑尊董仲容明府之力現當明府卸卸伊邇各行工團感沐恩膏無以為報特聯合敬製萬名傘德政扇及獨脚牌願綉橫額定于三月朔日由值事行長衣冠叩送縣轅以伸芹獻而表去思想屆期禮盡恭恭定有一番慶鬧也

傳相言旋 ○天津國報云頃據官場傳述制台接山東來電云李傅相定於本月十三日啓節由水路乘坐官舫來津約十六七可到制台已派慈航小輪船并委許克之都戎帶領炮船前往迎迓聞傳相在山東接奉電諭因京中近日辦理交涉需員催其作速入京故到津不作勾留此說未知確否

再誌回亂 ○香港友信述上海接得北京電音云甘肅省同匪猝然肇亂現經 太后電 諭陝甘制軍陶帥模飭令速行召募雄軍竭力剿防并謂即當撥發快炮及新式來復槍炮日解往非特足敷甘省軍士需用即駐紮西甯旗兵各營亦皆一律撥用一面飭張俊及董福祥舊部武員迅速率帶新兵前赴甘省協剿

試行鈔票 ○湖北官錢局月前通飭武漢錢業各莊不准私自出印票以便官票暢行適日又聞該局擬仿外國鈔票之法添用銀票分十兩五兩一兩為三等係向東洋定製不久當試行矣

洋工紛集 ○金陵將開商埠而由江甯以達鎮江之鐵路基址又經潘雲孫觀察圈定稟由盛杏孫京卿覆勸擇吉興工自前月既望以後建造洋房安設鐵路之洋工程師均聯袂抵甯假某客棧小住大約不久可以興工矣

臺灣消息 ○臺南現甚安堵惟月前因有賊騷擾出山行劫日本兵到此彈壓焚去三十餘村以致怨聲載道日兵所至之村如查有實據未嘗作賊者庶可保全若被疑有賊踪則為日兵蹂躪幾無完卵矣有一村被毀所遺遺者祇有孤兒寡婦抱怨良深衆人以爲終無了局故日本大員聞之親至曉諭謂日兵祇願賊耳非欲害民特此以安撫之該處稅餉甚重商民不悅加以此地有瘴日人查出資往醫院調治惟台民疑惑未肯深信宵私逃入山深林密之區亦不願受日人管轄日人禁賭甚嚴西二月八號該地地震惟未聞傷殘人命物業也

勸捐創建醫院告白 ○氣候有寒暑之不同地土有燥濕之不同人居兩大之間不能避四時不正之氣於是乎生病病之險者惟瘟與痘其最易傳染者亦惟瘟與痘是固不可不創養病之所耳創之之道奈何擇幽靜之區蓋軒敞之屋聘專家之醫僱奔走之人使患病者安處其中寬心調養且不與市場相接自無瘴氣潛滋暗長之虞雖然斯舉也經始需費善後需費既非獨本所能支端賴衆擎而有濟用特刊印緣簿極力勸捐專祈 富賈巨商善男信女同出餘資共襄善舉異日者調攝有所厥疾易瘳人慶康疆氣蒸祥瑞天聽伊邇降福孔倍胥基於此是爲序

光緒己亥年二月廿六日

願此諸君常閱



金獅標土庫近來精製咳嗽藥水服之神驗異常第此藥水氣味清甜甘滑異常專治風寒暑濕痰血虛癆久近諸般等嗽服之其病若失功效難以盡述則鄭景貴翁曾染嗽疾購服立見功效曾有字稱頌本土庫靈藥妙品不特此耶尚有幾十家取服均稱仙藥應驗非常然藥水內標曾有鄭景貴翁稱頌妙藥所有諸家稱揚不得盡數臚列此治嗽藥水不論男女婦孺可服惟未至十二歲者不可飲此自十二歲至十五歲每次堪服半坎所有服法內標曾經聲明矣均照所言取服可也倘諸君欲購者可到土庫街豐美隔鄰金獅標土庫收買價銀每罐七角五分此告 敬頌神驗咳嗽藥 予自染咳嗽數載所有各種名家嗽藥服之並無見效自思此病必成殘廢之疾忽有友人告予曰土庫街豐美隔鄰金獅標土庫有售嗽藥極其名家何不買來一試然予立時向購一罐僅服三坎其病若失而今予再買一罐以備其病再發然首服一罐之後其症已愈合應佈告諸翁倘有染咳嗽者可向土庫街豐美隔鄰門牌二十七號金獅標爲記或港仔口街長利號便是板城海記棧鄭景貴謹啓

山間有冰塊高過百尺長至二三十里然此尚不過九分之一水底尚有八分舟行遇之多壞上多白熊高四尺長七尺能抱人而食更有海狗行走水上掛其是眞所謂四海之大無奇不有彼腐儒不出戶庭者聞此自應掩耳

網得巨蝦 ○客從暹羅西海來者述云閩籍漁人某甲日前捕得龍蝦三尾間有一尾重十六七斤據觀者稱龍蝦之巨至十餘斤頗爲難得嗣經西人厚價購去又剖一尾得珠一枚約重一錢五分賣與通和某富商得銀九十元甲以竿頭日進爲養生之術一旦獲此意外之利則喜不待言也

癩人狼狽 ○風聞日落洞地方於本月初九下午忽有癩狂之巫來油人手執利器奔竄途中逢人便砍計共砍斃華籍并與呂教民四名又有受傷之人數名經差撞見立開洋槍擊斃癩人至於已死之人照例過驗其傷而未死者均送入醫院調治云

僞軍騙銀 ○日前 阿 夏 兩太守提訊僞軍騙銀一案據原告閩籍人李某控稱某與友人夥開寶號與店舖在中街地方又在海墘開張寶號與副店會僱蘇某爲買手之職二月初八午十二點鐘聞籍人 謝某 周某 同執貨單兩紙應銀一百二十五元單內蓋有九八行新永勝及副店寶號與之圖章并有蘇某畫押某即如數付訖至一點餘鐘蘇某回店經某詢知蘇某未嘗購買單內之物并驗單內畫押圖章假者居多遂往差館報明一切至二點餘鐘差在新街執獲謝周兩人回館等語太守訊後判該兩人均禁一年又聞謝周兩人延請遠三馬蓋律師主訴欲將此案上控太守俯准所請令該兩人各覓担保五百元在外候訊

兩人鬪毆 ○初九日阿太守提訊鬪毆一案據十六號巫來油差碼力稟稱某於初八夜八點餘鐘在新街橫街撞見潮籍人 黃某 柯某 互相毆擊某欲擒拿兩人而黃某出銀三角四占賄某求釋某遂連銀并人統帶回館等語太守訊實判毆打一案各罰銀二元又判黃某賄差加罰銀十元

粵東裁勇 ○粵東友云道路傳聞有紳士等聯控靖勇不安本分其事亦未必無由茲聞督憲飭何軍門將靖勇各營裁撤軍門奉諭之下經將各營陸續遣散銷差刻下祇剩駐紮官山暨江浦行營鄧都戎管帶之勇二百名而已至營中囚禁各匪犯一俟訊明分別核辦或移禁縣署其情罪重者則明正典刑以清案牘所有經已銷差各營立令將旗幟號衣軍裝等件繳回統帶官處一切查辦鄉匪事宜暫爲停止併聞大憲議另募安勇四營分屬設營駐紮俾資緝捕云

成命收回 ○字林西報云中國 皇太后前降諭旨命於頃和園外周圍起造兵房以便派兵駐守藉備不虞現聞此旨已經收回不復舉造惟聞有軍機處各大臣深諫 太后此後弗再移蹕頤和園以免往來而防意外 太后初未允許各大臣因知該親某中堂向來陳奏無不言聽計從遂藉口於俄人居心叵測德憲某中堂力爲諫阻始獲允准云

都門西東 ○昨接都門西東云比國駐京公使日前至總署云奉國王之命請親見 皇太后據官場傳說此次比公使請親係呈進勳章於皇太后也又聞北京樊主教因四川省教案一年之內多至數起且各省教案亦層見迭出土匪蠢動岌岌可危遂進內見 皇太后面奏各處鬧教情形 太后諭主

教以善爲調處而主教則請論各省督撫加保護云

設立製麻布局 ○鄂督張香帥蒞楚以來各廠各局大興土木均勞籌畫今年新正又創製麻布局總局製麻布麻繩夏布等件無一不備現在文昌門外修造樓房規模大將來上以富國下以利民誠莫大之善政也

地不受寶 ○聞附近威海衛地方居民尋有礦苗驗之乃金苗也現在上海某商欲集股開辦此礦曾延西國師前往勘驗其礦質美否尙未詳知新譯子書 ○美國某教士素通華文見孫武子十三篇及老子等書甚爲精奧乃與無錫汪庭笙茂才譯成洋文擬將傳播西國不日即可開印矣

盡態極妍 ○粵人佞神而好勝即酬還花炮一事亦窮奢極侈耗逾巨萬未嘗少有吝惜近聞佛山玉五桂堂酬還汾陽洪聖廟十三勝炮一座其炮爲酸枝願綉鏡屏雕金鏤玉光怪陸離兩邊配以新式花旗洋燈二枝光芒照耀中第一玳瑁八掛時鐘獨標花樣四圍結撰均極精美又以五色綉紗結爲大

幅冒於炮頭一炮之值當已不菲至十五日燒炮時則先燃串炮一條計數十萬响其長逾數十丈中藏故事人物約有七八道走獸飛禽奇葩異卉活見於大明烟暗之間引動萬人瞻仰士女如雲幾無住足之地然此串炮先架一棚高可數仞直凌霄漢是因炮而費者又不菲其所以耗此巨資而不少惜者據云自去年拾炮回家時疫不侵丁財並至感神之賜戴德良深故聊以是區區者自鳴其敬而猶未足以言報也然每一會之炮必有數十座則得之者必有數十家

總各處而計不知共幾千萬矣而所謂得福者曾亦不見一二人會逢其適而視若固然莫非佞神好勝之一念誤之也夫亦可以自悟矣

崖門添壘 ○劉淵亭軍門馳往崖門海口勸地添築炮壘調撥軍駐紮防守一節經登前報茲探聞是日劉軍門帶領親軍六十名乘坐拖船以小輪船拖帶沿海察勘一周緣該處地近新會又接連香山與澳門相隔五六十里之遙其海口左右轟立高山殆天生險要海口僅寬約六七丈口內則廣闊

加倍入口右偏僅有一炮台未免疏於扼守現軍門察勘情形議加築炮台二座藉資守禦而固邊防